

## Cartulaire de l'Abbaye de Redon en Bretagne: [832–1124], Nr. 292

Florente adhuc mundo et fide vigente, vir quidam multe nohilitatis et sagacitatis, Guethenocus, vicechomes de castello Thro, cogitans ipsum castellum. de suo loco mutare, audivit omnem plantacionem quam non plantat pater caelestis esse eradicandam. Divino spiritu instinctus, adiit rothonense Christi caenobium quod regionis huius obtinet principatum, consulens fratres qua die et qua hora et super quod fundamentum castellum suum edificare deberet. At illi Christum omnium bonorum fundamentum esse dixerunt, et quicquid super hoc fundatum est cadere non posse. Quo audito, venerabilis proconsul honoravit sanctum locum digno honore; nam, apposita altari Salvatoris tabula argentea eleganter deaurata, commendavit semetipsum et omnia sua orationibus fratrum peciitque ab eis corpus suum, dum vita excederet, et heredum, suorum, sicut mos erat Britannie nobilium, in eodem loco sepeliri. Castellum etiam aedificandum Christo Domino et eius aecclesiae rothonensi subiugavit, et censum, id est, quinque solidos unoquoque anno, monachis de eo .reddi constituit. Vovit quoque ut, si aliquando castellum ita amplificaretur quod cella monachorum in eo posset construi, nulli alii aecclesiae daretur nisi aecclesiae Salvatoris. Quod obstinata maledictionis sententia contestatus est ne quis ex progenie sua scienter violare presumeret. Facta sunt autem in aecclesia Salvatoris, teste Deo et omnibus sanctis; sequenti vero die dominica, hora prima, figens palum.in castello edificando, ut mos est, capellam in honore Sancti Salvatoris fundavit, et supradicta omnia coram omnibus hominibus suis qui aderapt confirmavit,